

**FRAMKVÆMDARREGLUGERÐ FRAMKVÆMDASTJÓRNARINNAR  
(ESB) 2015/1980****2017/EES/24/38****frá 4. nóvember 2015****um leiðréttingu á reglugerð (EB) nr. 1235/2008 um ítarlegar reglur um framkvæmd  
reglugerðar ráðsins (EB) nr. 834/2007 að því er varðar fyrirkomulag á innflutningi lífrænna  
afurða frá þriðju löndum (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EB) nr. 834/2007 frá 28. júní 2007 um lífræna framleiðslu og merkingu lífrænna vara og til niðurfellingar á reglugerð (EBE) nr. 2092/91 <sup>(1)</sup>, einkum 2. og 3. mgr. 33. gr. og d-lið 38. gr.,*og að teknu tilliti til eftirfarandi:*

- 1) Í IV. viðauka við reglugerð framkvæmdastjórnarinnar (EB) nr. 1235/2008 <sup>(2)</sup>, eins og henni var síðast breytt með framkvæmdarreglugerð framkvæmdastjórnarinnar (ESB) 2015/931 <sup>(3)</sup>, er Kiwa BCS Öko-Garantie GmbH skráð sem viðurkenndur eftirlitsaðili fyrir vöruflokk D fyrir Suður-Kóreu þrátt fyrir að þessi viðurkenning hafi verið afturkölluð með framkvæmdarreglugerð framkvæmdastjórnarinnar (ESB) 2015/131 <sup>(4)</sup> í kjölfar skráningar Lýðveldisins Kóreu í III. viðauka við reglugerð (EB) nr. 1235/2008. Þar eð Lýðveldið Kórea er skráð sem viðurkennt þriðja land í III. viðauka við reglugerð (EB) nr. 1235/2008 fyrir vöruflokk D, þ.m.t. til vinnslu á innfluttum innihaldsefnum, er ekki hægt að skrá Kiwa BCS Öko-Garantie GmbH sem viðurkennt fyrir Lýðveldið Kóreu fyrir þann vöruflokk skv. b-lið 2. mgr. 10. gr. þeirrar reglugerðar. Því ætti að fella brott úr IV. viðauka viðurkenninguna fyrir vöruflokk D. Til að tryggja samræmi við orðalagið í framkvæmdarreglugerð (ESB) 2015/131, ætti „Lýðveldið Kórea“ að koma í stað „Suður-Kórea“ fyrir þær viðurkenningar sem eftir eru fyrir Kiwa BCS Öko-Garantie GmbH.
- 2) Viðurkenningin á Kiwa BCS Öko-Garantie GmbH fyrir vöruflokk A, D og F fyrir Gínea-Bissáú, sem veitt var áður með framkvæmdarreglugerð framkvæmdastjórnarinnar (ESB) nr. 1287/2014 <sup>(5)</sup>, kemur ekki fyrir í töflunni í IV. viðauka við reglugerð (EB) nr. 1235/2008 þó svo að viðurkenning þeirrar eftirlitsstofnunar fyrir þetta land hafi ekki verið afturkölluð. Því ætti að bæta þessari viðurkenningu aftur við í IV. viðauka.
- 3) Þar eð IV. viðauki við reglugerð (EB) nr. 1235/2008, eins og henni var breytt með framkvæmdarreglugerð framkvæmdastjórnarinnar (ESB) 2015/931, inniheldur einnig tilteknar skekkjur í tengslum við kenninúmer ætti einnig að leiðrétta þessar skekkjur. Því ætti að leiðrétta kenninúmer Bosnfú og Hersegóvínu fyrir eftirlitsstofnunina „Abcert AG“, Fílabeinsstrandarinnar fyrir eftirlitsstofnunina „Istituto Certificazione Etica e Ambientale“ og Kasakstans og Kirgístantans fyrir eftirlitsstofnunina „Organic Standard“. Jafnframt er rétt að leiðrétta skekkju í framkvæmdarreglugerð framkvæmdastjórnarinnar (ESB) nr. 355/2014 <sup>(6)</sup> í tengslum við kenninúmer Kirgístantans fyrir eftirlitsstofnunina „Bio.inspecta AG“.
- 4) Því ætti að leiðrétta IV. viðauka við reglugerð (EB) nr. 1235/2008 til samræmis við það.

(\*) Þessi ESB-gerð birtist í Stjtið. ESB L 289, 5.11.2015, bls. 6. Hennar var getið í ákvörðun sameiginlegu EES-nefndarinnar nr. 49/2017 frá 17. mars 2017 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. ESB L 189, 20.7.2007, bls. 1.

(2) Reglugerð framkvæmdastjórnarinnar (EB) nr. 1235/2008 frá 8. desember 2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (Stjtið. ESB L 334, 12.12.2008, bls. 25).

(3) Framkvæmdarreglugerð framkvæmdastjórnarinnar (ESB) 2015/931 frá 17. júní 2015 um breytingu og leiðréttingu á reglugerð (EB) nr. 1235/2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (Stjtið. ESB L 151, 18.6.2015, bls. 1).

(4) Framkvæmdarreglugerð framkvæmdastjórnarinnar (ESB) 2015/131 frá 23. janúar 2015 um breytingu á reglugerð (EB) nr. 1235/2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (Stjtið. ESB L 23, 29.1.2015, bls. 1).

(5) Framkvæmdarreglugerð framkvæmdastjórnarinnar (ESB) nr. 1287/2014 frá 28. nóvember 2014 um breytingu og leiðréttingu á reglugerð (EB) nr. 1235/2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (Stjtið. ESB L 348, 4.12.2014, bls. 1).

(6) Framkvæmdarreglugerð framkvæmdastjórnarinnar (ESB) nr. 355/2014 frá 8. apríl 2014 um breytingu á reglugerð (EB) nr. 1235/2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (Stjtið. ESB L 106, 9.4.2014, bls. 15).

- 5) Til glöggvunar og vegna réttaröryggis ætti að gera þessar leiðréttingar án tafar. Reglugerð þessi ætti því að öðlast gildi daginn eftir að hún birtist í *Stjórnartíðindum Evrópusambandsins*. Að því er varðar tiltekna leiðréttingar, sem eru gerðar með þessari reglugerð í tengslum við villur í framkvæmdarreglugerð (ESB) 2015/931, er þó viðeigandi að þær gildi afturvirkir frá gildistökudegi þessarar reglugerðar.
- 6) Ákvæði þessarar reglugerðar eru í samræmi við álit stjórnsýslunefndarinnar um lífræna framleiðslu.

SAMÞYKKT REGLUGERÐ ÞESSA:

*1. gr.*

Ákvæði IV. viðauka við reglugerð (EB) nr. 1235/2008 eru leiðrétt í samræmi við viðaukann við þessa reglugerð.

*2. gr.*

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Ákvæði 1. og 3. liðar, b-liðar 4. liðar og 5. liðar viðaukans gilda frá 8. júlí 2015.

Reglugerð þessi er bindandi í heild sinni og gildir í öllum aðildarríkjunum án lögfestingar.

Gjört í Brussel 4. nóvember 2015.

*Fyrir hönd framkvæmdastjórnarinnar,*

Jean-Claude JUNCKER

*forseti.*

---

## VIÐAUKI

Ákvæði IV. viðauka við reglugerð (EB) nr. 1235/2008 eru leiðrétt sem hér segir:

- 1) Í stað línunnar fyrir Bosníu og Hersegóvínu í færslunni sem varðar „**Abcert AG**“ í 3. lið komi eftirfarandi:

|                        |            |   |   |   |   |   |    |
|------------------------|------------|---|---|---|---|---|----|
| „Bosnía og Hersegóvína | BA-BIO-137 | x | — | — | x | — | —“ |
|------------------------|------------|---|---|---|---|---|----|

- 2) Í stað línunnar fyrir Kirgistan í færslunni sem varðar „**Bio.inspecta AG**“ í 3. lið komi eftirfarandi:

|            |            |   |   |   |   |   |    |
|------------|------------|---|---|---|---|---|----|
| „Kirgistan | KG-BIO-161 | x | — | — | x | — | —“ |
|------------|------------|---|---|---|---|---|----|

- 3) Í stað línunnar fyrir Fílabeinsströndina í færslunni sem varðar „**Istituto Certificazione Etica e Ambientale**“ í 3. lið komi eftirfarandi:

|                    |            |   |   |   |   |   |    |
|--------------------|------------|---|---|---|---|---|----|
| „Fílabeinsströndin | CI-BIO-115 | x | — | — | x | — | —“ |
|--------------------|------------|---|---|---|---|---|----|

- 4) Í færslunni sem varðar „**Kiwa BCS Öko-Garantie GmbH**“ er 3. lið breytt sem hér segir:

- a) Í stað línunnar fyrir Suður-Kóreu komi eftirfarandi:

|                  |            |   |   |   |   |   |    |
|------------------|------------|---|---|---|---|---|----|
| „Lýðveldið Kórea | KR-BIO-141 | x | — | x | — | x | —“ |
|------------------|------------|---|---|---|---|---|----|

- b) Eftirfarandi lína bætist við:

|               |            |   |   |   |   |   |    |
|---------------|------------|---|---|---|---|---|----|
| „Gínea-Bissáú | GW-BIO-141 | x | — | — | x | — | x“ |
|---------------|------------|---|---|---|---|---|----|

- 5) Í færslunni sem varðar „**Organic Standard**“ er 3. lið breytt sem hér segir:

- a) Í stað línunnar fyrir Kasakstan komi eftirfarandi:

|            |            |   |   |   |   |   |    |
|------------|------------|---|---|---|---|---|----|
| „Kasakstan | KZ-BIO-108 | x | — | — | x | — | —“ |
|------------|------------|---|---|---|---|---|----|

- b) Í stað línunnar fyrir Kirgistan komi eftirfarandi:

|            |            |   |   |   |   |   |    |
|------------|------------|---|---|---|---|---|----|
| „Kirgistan | KG-BIO-108 | x | — | — | x | — | —“ |
|------------|------------|---|---|---|---|---|----|